

ze swjateho scénja po Janu

Jan 20,1-9

Prózdny row

¹ Přenjeho dnja w tydženju rano zahe, hdyž bě hišće ćma, džěše Marja Madlena k rowej a wohlada kamjeń wot rowa wotwaleny.

² Tuž běžeše a přińdže k Symanej Pětrej a k druhemu wučomnikej, kotrehož Jězus lubowaše, a praji jimaj: »Knjeza su z rowa wzali, a njewěmy, hdže su jeho položili.« ³ Tuž wuńdže Pětr a ton druhi wučomnik a džěštaj k rowej. ⁴ Běžeštaj wobaj nadobo, ale ton druhi wučomnik doběža spěšnišo hač Pětr a přińdže přeni k rowej.

⁵ Schiliwši so wuhlada tam ruby ležo, ale njezastupi. ⁶ Nětko přińdže tež Syman Pětr, kiž bě za nim šoł, a zastupiwši do rowa wuhlada tam ruby ležo. ⁷ Rubno pak, kotrež bě na jeho hłowje było, njeležeše z rubami, ale bě wosebje na jednym městnje zawalene.

⁸ Potom zastupi tež ton druhi wučomnik, kiž bě přeni k rowej přišoł, to wuhlada a wěryše. ⁹ Přetož wonaj hišće pismo njerozumještaj, zo ma won z mortwych stanyć.